

Saturday, May 10, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

MIZORAM TOPS IMR

Nausen kum khat hnuai lam thi zat tehna ah Mizoram chu rampum huapa dinhmun tha ber a ni a, Infant Mortality Rate ah hian Sikkim leh Manipur te nen Nau piang 1000 zela nausen 3 thi ang niin rampum huapa dinhmun tha ber an ni.

Nimin khan National Health Mission hnuai RMNCHA buatsaihin Dept of Planning & Programme Implementation Conference Hall ah review meeting neih a ni a, hetah hian Mizoram chu India rama Infant Mortality Rate dinhmun tha ber anih thu tarlan niin India sawrkarin survey a tihchhuah hnukung ber Sample Registration Survey ah chuan Mizoram IMR chu 3-ah dah a ni a, India ramah state 3 ti tha ber zingah a tel a ni.

National Health Mission Director Dr Lily Chhakchhuak chuan IMR target chu National Health Policy 2017 in kum 2025 ah chuan 16 aia sang lo tur leh SDG 2030 chuan 12 turin a rawn ti tih sawiin Mizoram chu an tling sa tawh a ti a, nu nau chungah thi tehna Maternal Mortality Rate nikumah 18 an nei tih sawiin Mizoram chu mi cheng an tlem avangin chhutsak an ni ngailo a ti a, nau chungah nu thihna uluk taka chhui thin anih thu a sawi baw.

Nimina hun hmanah hian NHM Director hian Sawrkar laipui buatsaih nau pai, nau pawm leh naute hriselna chungchanga hriattirna thawnna ‘Kilkari’ a tlangzarh a ni.



HORTI MINISTER

Horticulture Minister Pu C Lalsawivunga'n nimina Serchhip a tlawhna ah loneitute chu an kaihhruai thiam phawt chuan hlawk zawka thawk thei leh remhre zawkah an chhuah thei dawn tih a sawi.

Horticulture Minister hian Centre of Excellence for vegetables hmun tur Zuangleng a mi a tlawh hnuin loneitute nen an inkawm bakah District Horticulture Office leh District AH & Vety Office a tlawh a, Serchhipa Mat lui kama Nul siamtute hnathawh dan a hmunah enpuin, Chhungkaw 160 velin eizawnnana an hman Chawm zau, Vaivenga zau, Chamdur leh Tuisen zau te a fangkual nghal baw a, He hunah hian Farming Society hruaitute nen an inkawm a, loneitute'n harsatna an tawhte leh mamawh an neihte Minister hnenah hian an thlen a ni.

Serchhip Chanmari District Horticulture Office a tlawhnaah DHO Pu R Lalrintluanga leh a thawhpuiten lo dawngsawngin, Minister Pu C Lalsawivunga chuan thawktute chu kuthnathawktute dawm kang a, puitu ni

zel turin a chah a, tun aia hmasawn zel tura tan la zel turin a fuih bawk a ni. DHO office ah hian pa chi - mushroom spawn siam chhuahna laboratory an neih chu Minister hian a tlawh nghal a. He laboratory atang hian loneitu te leh pa ching duh apiang ten awlsam takin pa chi an lei thin a ni.



MUHCS

Health Minister Pi Lalrinpuii'n mipui hmangaih vangin Mipui Health Care chu duan ani a ti a, mipui tana ding anih avangin a hlawhtlin chhoh zel beisei ani a ti.

Mizoram Health Care Society buatsaih Mizoram Universal Health Care System kalpui mek thlirhona nimina MINECO ah neih a hmanpui na ah he thu hi sawiin Health Minister chuan Mipui hmangaih vanga Mipui Health Care hi duan a ni tih a sawi a, mipui sawrkar, mipui ta, mipui tana ding Sawrkar in mipui tana Health Care system hi a duan a nih tlat avangin a hlawhtlin chhoh zel beisei a ni a ti.

Pi Lalrinpuii chuan Sawrkarin theihtawpin Sawrkar damdawiin a thuam that zel thu sawiin Nurse 300 lak belh an ni a ti a, multi task worker 100 lak thar an ni a, thawktu hrang hrang X Ray technician, lab technician leh Public Relations Officer thlengin lak belh an ni a ti a. Health Worker 100 an lak belh leh dawn tih sawiin NABARD hnuaiah PHC leh sub centre engemaw zat sak that tura ruahman ani a ti a, JICA hnuaia cancer superspeciality hospital din tur chu kalpui mek niin ZMC hnuaia ICU 13 siam belh tur te, Cardio thorasic leh neuro surgery unit din thar tur te, Aizawl Civil Hospital a Kidney transplant lam din tura hmalak mek anih thu sawiin IVF centre level 1 license pek a nih dante a tarlang bawk a, Sawrkarin theihtawp a chhuah avangin PHC/CHC te chu mipui hmangaihna nen, tun aia nasa lehzuala tan la turin a fuih bawk a ni.

He hunah hian Mizoram hmun hrang hranga Community Health Centre leh Primary Health Centre a thawktuten MUHCS an kalpui dan chungchanga an hmalakna leh harsatna tawh hrang hrangte an sawi ho a ni.



ECI

Election Commission of India Principal Secy Pu N.T. Bhutia, chuan ni hnih cham turin Mizoram a rawn tlawh a. Inthlan kaihhnawihna ruahmanna chungchang thuneitute sawipuiin District thenkhata Polling station a tlawh ang.

Nimin khan Directorate of Election-ah Election Department hotute nen thukhawmin Election Department tihhmasawn leh tihchangtlun a nih theih nana mamawh hrang hrangte sawi ho niin, inthlan kaihhnawiha a ruahmanna hrang hrangte Election Commission of India duh dan anga fel fai taka kalpui a nih theih dan tur te sawi ho a ni a, Meeting neih zawhah hian Pu N.T. Bhutia hian Aizawl West-III leh Aizawl South-I Assembly Constituency huamchhunga

Polling Station thenkhat a tlawh nghal a. Vawiin hian Serchhip Assembly Constituency huamchhunga Polling Station thenkhat a tlawh ang.

Tun thla tir khan Election Commission of India chuan thuchhuah siamin electoral roll siam kawnga mumal zawka vote thlak anih theih nan ruahmanna thar a siam a, ECI in ruahmanna a siam tharte hi tunlai thiamna hmanga voter ID nei tura inziah luh dan awlsam zawk te niin Voters te tan samkhai zawka Voter Information Slip an hman tangkai theih zawk nan VIS design siam that te a ni a, Voters te serial number leh part number chu hmuh awlsam zawk nan Chiang taka tarlan niin a font size pawh tihlen niin Hei hian voters ten an polling station awlsam zawka an hriat theih nan leh polling officials ten electoral roll-a voters te hming an hmuh zung zung theih phah beisei a ni.

